

明 李時珍 編著

本草綱目

人民衛生出版社影印

本草綱目

开本: 850×1168/32

印張: 60 $\frac{15}{16}$

插頁: 9

明 李 時 珍 編 著

人民衛生出版社影印

(北京書刊出版業營業許可證出字第〇四六號)

• 北京崇文區錢子胡同三十六號 •

北京市印刷二廠印刷 • 新華書店發行

統一書號: 14048·1062

1957年4月第1版—第1次印刷

定 價: 10.00 元

(北京版) 印數: 1—11,100

內容簡介

本草學是祖國醫學中一個重要的組成部分，對人類醫藥衛生事業有着很大的貢獻。本書是我國本草學中一部具有世界影響的名著，因為它不僅總結了十六世紀以前我國人民用藥的經驗，並以當代的成就大大豐富了本草學的內容。

本書作者李時珍（一五一八——一五九三）是我國明代一個偉大的醫學科學家。在他的一生中，始終貫徹着實事求是的治學精神，他編寫此書，曾經用了三十年的時間，除搜羅和閱讀有關參考書八百多種之外，還親至各地進行實物採訪，並經過反覆研究和臨床實驗，才對各種藥物作出慎重的結論。

本書共五十二卷，分十六綱，六十二目。收載藥物將近一千九百種，其中三百七十多種是新收錄的。正文以前，先附實物圖譜，次叙「百病主治藥」，然後依綱就目分述各種藥物的釋名、集解、氣味、主治、修治、發明、正訛、附方等項。本書的組織形式近乎生藥學，但其實際內容是以應用治療學為主，特別是所附一萬多個處方，是以藥物的實際應用來充分闡明中醫「隨證論治」的醫療方針的。更因為本書論述的範圍極為廣汎，其中包括中藥炮製法、方劑配合法、藥物鑑定法、藥物培植法……等

各方面的知識，因此，本書的用途不僅與臨床治療密切結合，且可供多種專門學術研究者的參考。

總之，本書對我國本草學的發展起着重大的歷史作用：一方面使明以前的歷代本草學，經過作者的「剪繁去複，繩謬補遺」後，得到了全面性的整理。又因本書對藥物的「析族、分類、振綱、分目」要求頗為嚴格，所以在組織系統上具有科學分類的形式；另一方面給明以後的本草學研究者提供了有利的條件，如清代編著的「本草備要」、「本草從新」以及整輯的「神農本草經」等書，就是以本書為藍本的。直到今天，本書對本草學的研究，仍然起着「承先啓後」的作用，為國內外醫藥學家和其他學術研究者所重視。所以本書自明代刊行以來，不僅國內翻刻甚多，並已譯成多種外國文字而流傳於國際間。

茲為符合實用起見，選用板本精美的清、光緒十一年（一八八五）張氏味古齋刻本影印。除了修正書中訛字外，特據本書第一個刻本「金陵第一板」（李時珍生前開刻的）加以校勘，附校勘記於後；更為了使讀者閱讀便利，並編有藥名索引附於卷後。因此本書在質量上較一般排印本為優；在效用上較一般木刻本為實用。



李時珍像 (1518—1593)

重訂本草綱目序

古之學者始格物。物有形有質有氣味。紛然犁然。不格無以致吾知也。形有特有叢有蔓有歧有苞有萼。質有草木金石鳥獸鱗介。氣有升降補瀉寒熱味有甘苦辛酸神農品嘗之明哲。既以爲本草。後賢乃分南北道地。原本山川。辨其厚薄清濁之異。以推致所知。蘇恭蘇頌諸賢以逮繆氏汪氏各盡其精神心思。益擴所見。吾以爲大觀本草之外。必推瀕湖爲集大成。廬居金陵。嘗脩合藥。裏贈貧乏。及鄉僻乏醫之區。又持方書俵散。以盡吾心。近以侍養老親。益留心方術。病坊刻瀕湖本草之因。仍訛誤。爰重爲鏤板。經文集解之外。午者據依古書。檢覈善本。植物圖大半本之吳君申甫所段。植物圖考藥之產於茅蔣者。亦採擇仿寫。餘悉宗原本。而精樞焉。經始於癸未八月。迄乙酉五月。閱二歲。糜工數萬。乃克蒇事。其校理訛誤。監督劓剗。命兒子席珍士瑜士珩分任之。商榷方劑。區別品彙。醫士王君鏡堂之力爲多。參以鍾君受白而經紀其事。始終不懈者。則范君靜存也。此外如田

君撰異。曹君晴峯。熊君仲山。翁君鐵梅。党君幼雲。張君貫之。程君達三。陳君振遠。許君功甫。朱君藻臣。或參校讐。或司綜核。或職圖繪。謹備書之。傳曰人之欲善。誰不如我。此之謂歟。雖然。因方以檢藥。可也。謂所載方果足治病。不可也。夫病有外感六淫。內因七情。疑似之差。毫釐千里。既失古人處劑之意。又以害民而議古書。是在善讀者變化神明。庶不失吾重訂之本意也已。

光緒十一年六月合肥張紹棠自記於冶山竹居

本草綱目原序

紀稱望龍光知古劍。硯寶氣辯明珠。故萍實商羊。非天明莫洞。厥後博物稱華。辯字稱康。析寶玉稱倚頓。亦僅僅晨星耳。楚蘄陽李君東璧。一日過予弇山園。謁子。留飲數日。子窺其人。晬然貌也。癯然身也。津津然譚議也。真北斗以南一人。解其裝。無長物。有本草綱目數十卷。謂子曰。時珍荆楚鄙人也。幼多羸疾。質成鈍椎。長耽典籍。若啖蔗飴。遂漁獵羣書。搜羅百氏。凡子史經傳。聲韻農圃。醫卜星相。樂府諸家。稍有得處。輒著數言。古有本草一書。自炎皇及漢梁唐宋。下迨國朝。註解羣氏舊矣。第其中舛謬差譌。遺漏不可枚數。迺敢奮編摩之志。僭纂述之權。歲歷三十稔。書攷八百餘家。稿凡三易。複者芟之。闕者緝之。譌者繩之。舊本一千五百一十八種。今增藥三百七十四種。分爲一十六部。著成五十二卷。雖非集成。亦粗大備。僭名曰本草綱目。願乞一言以託不朽。予開卷細玩。每藥標正名爲綱。附釋名爲目。正始也。次以集解。辯疑正誤。詳其土產形狀也。次以氣味主治附方。著其

體用也。上自墳典。下及傳奇。凡有相關。靡不備采。如入金谷之園。種色奪目。如登龍君之宮。寶藏悉陳。如對冰壺玉鑑。毛髮可指數也。博而不繁。詳而有要。綜核究竟。直窺淵海。茲豈僅以醫書觀哉。實性理之精微。格物之通典。帝王之祕錄。臣民之重寶也。李君用心嘉惠何勤哉。噫。砒玉莫剖。朱紫相傾。弊也久矣。故辯專車之骨。必竢魯儒。博支機之石。必訪賣卜。子方著弇州卮言。志博古如丹鉛。卮言後乏人也。何幸觀茲集哉。茲集也。藏之深山石室。無當。盍鐫之。以共天下後世。味太玄如子雲者。時萬曆歲庚寅春上元日。弇州山人。鳳洲王世貞拜撰。

進本草綱目疏

湖廣黃州府儒學增廣生員李建元謹

奏爲遵奉

明例訪書進獻本草以備采擇事。臣伏讀禮部儀制

司勘合一款恭請

聖明勅儒臣開書局纂脩正史。移文中外。凡名家著

述有關

國家典章及紀君臣事跡。他如天文樂律醫術方技

諸書。但成一家名言。可以垂于方來者。卽訪求

解送。以備采入藝文志。如已刻行者。卽刷印一

部送部。或其家自欲進獻者。聽奉此。臣故父李

時珍。原任楚府奉祠奉

勅進封文林郎。四川蓬溪知縣。生平篤學。刻意纂脩。

曾著本草一部。甫及刻成。忽值數盡。撰有遺表。

令臣代獻。臣切思之。父有遺命而子不遵。何以

承先志。父有遺書而子不獻。何以應

朝命。矧今脩史之時。又值取書之會。臣不揣譴陋。不

避斧鉞。謹述故父遺表。臣父時珍。幼多羸疾。長

成鈍椎。耽嗜典籍。若啖蔗飴。攷古證今。奮發編

摩。苦志辨疑訂誤。留心纂述諸書。伏念本草一

書。關係頗重。註解羣氏。謬誤亦多。行年三十。力

肆校讐。歷歲七旬。功始成就。野人災疇食芹。尙

欲獻之

天子。微臣採珠聚玉。敢不上之

明君。昔炎皇辨百穀嘗百草。而分別氣味之良毒。軒

轅師岐伯遵伯高。而剖析經絡之本標。遂有神

農本草三卷。藝文錄爲醫家一經。及漢末而李

當之始加校脩。至梁末而陶弘景益以註釋。古

藥三百六十五種。以應重卦。唐高宗命司空李

勣重脩。長史蘇恭表請伏定。增藥一百一十四

種。宋太祖命醫官劉翰詳校。宋仁宗再詔補註。

增藥一百種。召醫唐愼微合爲證類。脩補眾本

草五百種。自是人皆指爲全書。醫則日爲奧典。

夷考其間。疵瑕不少。有當析而混者。如葳蕤女

萎。二物而併入一條。有當併而析者。如南星虎

掌。一物而分爲二種。生薑薯蕷菜也。而列草品。

檳榔龍眼果也。而列木部。八穀生民之天也。不能明辨其種類。三菰日用之蔬也。罔克的別其名稱。黑豆赤菽。大小同條。消石芒消。水火混注。以蘭花爲蘭草。卷丹爲百合。此寇氏衍義之外謬。謂黃精卽鉤吻。旋花卽山薑。乃陶氏別錄之差譌。酸漿苦膽。草菜重出。掌氏之不審。天花栝樓。兩處圖形。蘇氏之欠明。五倍子。構蟲窠也。而認爲木實。大蘋草。田字草也。而指爲浮萍。似茲之類。不可枚陳。畧摘一二。以見錯誤。若不類分

品列。何以印定羣疑。臣不揣猥愚。僭肆刪述。重伏者芟之。遺缺者補之。如磨刀水。潦水。桑柴火。艾火。鑽陽。山奈。土茯苓。番木鱉。金枯。樟腦。蠍虎。狗蠅。白蠟。水蛇。狗寶。秋蟲之類。竝今方所用。而古本則無。三七。地羅。九仙子。蜘蛛香。豬腰子。勾金皮之類。皆方物土宜。而稗官不載。今增新藥。凡三百七十四種。類析舊本分爲一十六部。雖非集成。實亦粗備。有數名或散見各部。總標正名爲綱。餘各附釋爲目。正始也。次以集解辨疑。

正誤。詳其出產形狀也。次以氣味主治附方。著其體用也。上自墳典。下至傳奇。凡有相關。靡不收采。雖命醫書。實該物理。我

太祖高皇帝首設醫院。重設醫學。沛仁心仁術于九有之中。

世宗肅皇帝旣刻醫方選要。又刻衛生易簡。藹仁政仁聲于率土之遠。伏願

皇帝陛下體道守成。遵祖繼志。當離明之正位。司考文之大權。留情民瘼。再脩司命之書。

特詔良臣著成

昭代之典。治身以治天下。書當與日月爭光。壽國以壽萬民。臣不與草木同朽。臣不勝冀望屏營之至。臣建元爲此一得之愚。上干

九重之覽。或准行禮部轉發史館采擇。或行醫院重脩。父子啣

恩存歿均戴。臣無任瞻

天仰

聖之至

萬曆二十四年十一月 日進呈十八日奉
聖旨。書留覽。禮部知道。欽此。

本草綱目凡例

一神農本草三卷。三百六十種。分上中下三品。梁陶弘景增藥一倍。隨品附入。唐宋重脩。各有增附。或併或退。品目雖存。舊額淆混。義意俱失。今通列一十六部爲綱。六十類爲目。各以類從。三品書名。俱註各藥之下。一覽可知。免尋索也。

一舊本玉石水土混同。諸蟲鱗介不別。或蟲入木部。或木入草部。今各列爲部。首以水火。次之以土。水火爲萬物之先。土爲萬物母也。次之以金石。從土也。次之以草穀菜果木。從微至巨也。次之以服器。從草木也。次之以蟲鱗介禽獸。終之以人。從賤至貴也。

一藥有數名。今古不同。但標正名爲綱。餘皆附於釋名之下。正始也。仍註各本草名目。紀原也。

一唐宋增入藥品。或一物再出三出。或二物三物混註。今俱攷正。分別歸併。但標其綱。而附列其目。如標龍爲綱。而齒角骨腦胎涎皆列爲目。標梁爲綱。而赤黃梁米皆列爲目之類。

一諸品首以釋名。正名也。次以集解。解其出產形狀。采取也。次以辨疑正誤。辨其可疑。正其謬誤也。次以脩制。謹炮炙也。次以氣味。明性也。次以主治。錄功也。次以發明。疏義也。次以附方。著用也。或欲去方。是有體無用矣。舊本附方二千九百三十五。今增八十六。

一唐宋以朱墨圈蓋分別古今。經久訛謬。今旣板刻。但直書諸家本草名目于藥名主治之下。便覽也。

一諸家本草。重複者刪去。疑誤者辨正。采其精粹。各以人名。書于諸款之下。不沒其實。且是非有歸也。

一諸物有相類。而無功用。宜參攷者。或有功用。而人卒未識者。俱附錄之。無可附者。附于各部之末。蓋有隱于古而顯于今者。如莎根卽香附子。陶氏不識。而今則盛行。辟虺雷昔人罕言。而今充方物之類。雖冷僻不可遺也。

一唐宋本所無。金元我明諸醫所用者。增入三十

九種時珍續補三百七十四種。雖曰醫家藥品。其攷釋性理。實吾儒格物之學。可裨爾雅詩疏之缺。

一舊本序例重繁。今止取神農爲正。而旁采別錄諸家附于下。益以張李諸家用藥之例。

一古本百病主治藥。畧而不切。王氏集要祝氏證治。亦約而不純。今分病原列之。以便施用。雖繁不紊也。

一神農舊目及宋本總目。附于例後。存古也。

本草綱目總目

第一卷

序例上

第二卷

序例下

第三卷

百病主治藥上

第四卷

百病主治藥下

第五卷

水部二類

水一

天水類一十三種

水二

地水類三十種

第六卷

火部一類

火一

凡一十一種

第七卷

土部一類

土一

凡六十一種

第八卷

金石部五類

金石一

金類二十八種

石二

玉類一十四種

第九卷

石三

石類上三十二種

第十卷

石四

石類下四十種

第十一卷

石五

鹵石類二十種
附錄二十七種

第十二卷

草部一十一類

草一

山草類上三十一種

第十三卷

草二

山草類下三十九種

第十四卷

草三

芳草類五十六種

第十五卷

草四

陸草類上五十三種

第十六卷

草五

陸草類下七十三種

第十七卷

草六上下 毒草類四十七種

第十八卷

草七上下 蔓草類七十三種
附錄一十九種

第十九卷

草八 水草類二十二種

第二十卷

草九 石草類一十九種

第二十一卷

草十 苔類一十六種

草十一

雜草類九種
有名未用一百五十三種

第二十二卷

穀部四類 麻麥稻類一十二種

穀一

第二十三卷

穀二 稷粟類一十八種

第二十四卷

穀三 菽豆類一十四種

第二十五卷

穀四 造醴類二十九種

第二十六卷 菜部五類

菜一 葷辛類三十二種

第二十七卷 菜二

柔滑類四十一種

第二十八卷 菜三

蔬菜類一十一種

菜四 水菜類六種

菜五 芝栴類一十五種

第二十九卷 果部六類

果一 五果類一十

第三十卷 果二

山果類三十四種

第三十一卷 果三

夷果類三十一種

第三十二卷 果四

味類一十三種

第三十三卷 果五

藏類九種

果六

水果類六種
附錄二十三種

第三十四卷

木部六類

木一

香木類三十五種

第三十五卷

木二

喬木類五十二種

第三十六卷

木三

灌木類五十種又一

第三十七卷

木四

寓木類一十二種

木五

苞木類四種

木六

雜木類七種
附錄十九種

第三十八卷

服器部二類

服器一

服帛類二十五種

服器二

器物類五十四種

第三十九卷

蟲部四類

蟲一

卵生類上二十三種

第四十卷

蟲二

卵生類下二十二種

第四十一卷

蟲三

化生類三十一種

第四十二卷

蟲四

溼生類二十三種
附錄七種

第四十三卷

鱗一

龍類九種

鱗二

蛇類一十七種

第四十四卷

鱗三

魚類三十一種

鱗四

無鱗魚類二十八種
附錄九種

第四十五卷

介一

介部二類
龜鼈類一十七種

第四十六卷

介二

蚌蛤類二十九種

第四十七卷

禽部四類

禽一

水禽類二十三種

第四十八卷

禽二

原禽類二十二種

第四十九卷

禽三

林禽類一十七種

禽四

山禽類一十三種
附錄一種

第五十卷

獸部四類

獸一

畜類二十八種

第五十一卷

獸二

獸類三十八種

獸三

鼠類一十二種

獸四

禽類怪類共八種

第五十二卷

人部一類

人一

凡三十五種
又附二種

計一十六部六十二類一千八百八十種

原書五十二卷附藥品總目一卷圖三卷奇經

八脈考瀕湖脈學各一卷蔡氏萬方鍼線八卷

又新附趙氏本草綱目拾遺十卷併前都七十

六卷

本草綱目總目卷首終